

կրողումն նուագին ոչ ինչ վնասեաց նոցա. այլ մանաւանդ զինքեանք զանօրէնքն կոտորեցին թօբերն: Իսկ նոքա բնաւ չի շարժեցան զօրքն Տեսրոթին. և էին ի միում տեղուոյն հաւաքեալ: Եւ յետոյ հրամայեաց զի ելանիցէ իւր մաքսաւորն, և խաղալ երիվարաւ, որպէս օրէն է հեծելոց. և ի նոյն ժամ ել և անկաւ երիվարիւ և զարկաւ զգեանի, և ոլորեցաւ պարանոցն նորա: Զոր այդ անօրէնն այլ բազում նեղութիւնս յարոյց ի վերայ եղկելի ազգին մերոյ. վասն որոյ պատուհասեցաւ ի Տեառնէ: Եւ յաւել եւս երկրորդումն զորիչ ոմն հանել զի խաղացցէ. և նորա գտակն անկաւ ի գլխոյ իւրմէ:

Յետ այսց բանից ապա սկսաւ քաջալերել զզօրքն իւր և ասել. Ո՛րք մեծամեծք և իշխանք, լերուք քաջ, և դիմեցէք ի վերայ այս անհաւատից, զի կոտորեսցուք զդոսա, և մի ապրեսցի ի նոցանէ և ոչ ոք: Եւ հպարտացաւ իւր ամբարտաւանութեամբն. և ահա առհասարակ զօրովք իւրովք դիմեցին ի վերայ նոցա, որպէս երբեմն Գողիաթ ի վերայ Գաւթի: Եւ յորժամ հարին ճակատամարտն նորա, ի նոյն ժամն կոտորեցաւ անօրէնք զօրքն նորա. և Տեսրոթին զօրքն ամենայն էր 1200 հոգի. և նոքա էին իբրեւ 40,000 արք պատերազմողք և հմուտ կռուոյ. և աստուածային կարողութեամբ զօրացան և կոտորեցին մինչեւ իսպառ. բայց որք խոնարհեցան և հնազանդեցան՝ զնոսա բնաւ չի կոտորեց: Եւ յորժամ այս եղև, ինքն պիղծն անկաւ փախտական. վասն զի ոչ կարացին ըմբռնել զամբարիշտն. և ելաւ ի բարձր բլուր մի, և նայեցաւ ի վերայ զօրաց իւրոց, եթէ որպէս կորեաւ ինքն և զօրքն իւր. և սկսաւ լալ դառնապէս, և ի միտ ածել զիւր անօրէնութիւն, եթէ այս պատուհաս ի Տեառնէ է, և Տէրն ինքնին ետ պատերազմ, և իւր հզօր ձեռամբ սատակեաց զիս և զօրքն իմ, որ ոչ կարացի զդէմ ունել 40,000աւ զայսչափ սակաւ զօրքն: Եւ ի սոյն խորհուրդ ընկաւ փախտական, և հալածական. ելաւ գնաց յերկրէն իւրմէ՝ ի Թուրքաց աշխարհն:

Եւ այս Տեսրոթն եկն առ Սելուփն և մերձեցաւ. և ահա դարձեալ ազգեցին նմա, եթէ այդ պիղծն դարձեալ կրկին զօրքն ժողովել է, և ահա կամի զայ: Իբրեւ լուաւ Տեսրոթն՝ դարձաւ և գնաց ի վրայ նորա. և կրկին անկամ պատերազմեցան, և դարձեալ կոտորեցին զնոսա, և հազար թուրք ընդ նոսա, զոր բերել էր ի Ալբերմանէն՝ որ օգնէին նմա: Յետ այսորիկ դարձաւ մեծաւ ուրախութեամբ և եկն ի Սելուփ քաղաքն ի դախտն իւր. և զամենայն մեծամեծ և զիշխանքն փոխեց, և որիչ կացոյց ի վերայ ամենայն իշխանութեանց. և որք հնազանդեցան՝ նոցա ետ դարձեալ զիշխանութիւն նոցա: Եւ Խողինա բերդին զպոկալապան (բերդապահ) եհան, և ի նոցա տեղի զոմն զՊաանդ եզիր ի բերդն, որ կոչիւր Բիտոցբիյէ: Եւ այլ որիչ քաղաքսն և բերդ որչափ կայ յերկիրն այն, զամենեւեան իշխանութենէ փոխեաց, և Լադինացիք կացոյց Օլախաց տեղն: Եւ յետ այսորիկ նստաւ իւր պարոնութիւնն. և Թուրքին զրկեց որ դրուլ (թուրքա? կնիք) բերեն, որ նմա խարած տայ, զայս առաջին ամն. և յետոյ որպէս Տէրն տայ՝ այնպէս